

FAKULTET ISLAMSKIH NAUKA
UNIVERZITETA U SARAJEVU
VIJEĆE

Broj: 03-03-3. elek. sjed.- 1061/20

Datum: 16.09.2020. god.

ZAKLJUČCI I ODLUKE

Sa 3. elektronske sjednice Vijeća održane dana 16 i 17.09.2020. godine

Usvojen je

DNEVNI RED:

1. Organizacija nastavnog procesa na Fakultetu islamskih nauka Univerziteta u Sarajevu za studijsku 2020/2021. godinu u uslovima pojave koronavirusa (COVID-19).

Ad. 1. Organizacija nastavnog procesa na Fakultetu islamskih nauka Univerziteta u Sarajevu za studijsku 2020/2021. godinu u uslovima pojave koronavirusa (COVID-19).

Donesena je

ODLUKA

Usvaja se Odluka Organizacija nastavnog procesa na Fakultetu islamskih nauka Univerziteta u Sarajevu za studijsku 2020/2021. godinu u uslovima pojave koronavirusa (COVID-19).

1. Nastava u akademskoj 2020/21. godini počinje 12. 10. 2020. godine, s tim što će se nastava zbog kasnijeg početka od sedam dana nadoknaditi do kraja zimskog semestra akademske 2020/21. godine.

2. Radi zaštite zdravlja studenata i zaposlenika Fakulteta i prevencije zaraze koronavirusom, a uvažavajući Zaključak Senata Univerziteta br. 01-19-5/20 od 09. 09. 2020. godine kojim se preporučuje odvijanje teorijske nastave u online režimu gdje god je to moguće, nastava (predavanja, seminari i vježbe) na svim godinama I i II ciklusa studija izvodit će se online, putem e-platforme Fakulteta koju su obavezni koristiti nastavno osoblje i spoljni saradnici Fakulteta za potrebe realizacije nastave.

3. Nastava će biti organizirana na slijedeći način:

a. Blok-sati predavanja sastojat će se od 60 minuta predavanja i 30 minuta predviđenih za konsultacije i pitanja studenata. Seminari i vježbe bit će realizirani u trajanju od 45 minuta.

b. Nastavnici i saradnici Fakulteta obavezni su realizirati predavanja, seminare i vježbe prema prethodno utvrđenom i objavljenom rasporedu nastavnih sati. U slučaju tehničkih poteškoća na e-platформи, nastavnik će nadoknaditi propuštene sate, o čemu će obavijestiti

rukovodioca katedre i prodekana za nastavu, dok će saradnik o tome obavijestiti još i predmetnog nastavnika.

c. Raspored sati bit će objavljen najkasnije do 02. 10. 2020. godine.

d. Prilikom izvođenja nastave, najmanje 60% treba da se sastoji od direktne verbalne komunikacije nastavnika/saradnika sa studentima, putem webinaru, ili prezentiranja video-sadržaja, dok se preostali dio nastave može realizirati kreiranjem drugih vrsta digitalnih obrazovnih sadržaja (radionice, prezentacije, kvizovi, zadaće i dr.).

e. Nastavnici/saradnici obavezni su voditi evidenciju o prisustvu studenata na online nastavi i pohranjivati je u poseban folder. Prisustvo online nastavi bit će tretirano kao uvjet za ovjeru pohađanja nastave i izlazak na završni ispit, o čemu nastavnici/saradnici trebaju obavijestiti studente u prvoj sedmici nastave.

4. Konsultacije

Konsultacije studenata sa nastavnicima/saradnicima u trajanju od pet školskih sati sedmično realizirat će se elektronskim putem (putem e-maila ili foruma/chata na e-platформи). Raspored elektronskih konsultacija, po dogovoru sa nastavnicima/saradnicima, objavit će Studentska služba na web stranici Fakulteta najkasnije do 09. 10. 2020. godine. Prema potrebi, nastavnici/saradnici mogu dogovoriti sa studentima konsultacije putem webinaru.

Mentorske konsultacije o izradi magistarskih radova i doktorskih disertacija mogu se realizirati u prostorijama Fakulteta, uz poštovanje propisanih epidemioloških mjera, kao i elektronskim putem.

Vanredni studenti obavezni su prisustvovati minimalno 30% nastavnih sati koji se izvode u online režimu, o čemu će ih obavijestiti predmetni nastavnici u prvoj sedmici nastave.

5. Stručna praksa

Metodička praksa, imamsko-hatibska i muallimska praksa, te praktikum u ustanovama bit će realizirani shodno objektivnim mogućnostima, vodeći računa o propisima Ministarstva za obrazovanje, nauku i kulturu Kantona Sarajevo, odlukama Rijasetu Islamske zajednice u Bosni i Hercegovini te smjernicama i preporukama Senata Univerziteta. Način odvijanja stručne prakse detaljnije će biti tretiran posebnom odlukom Vijeća Fakulteta.

6. Ispiti

Parcijalni i završni ispiti, u redovnom i popravnim terminima, bit će organizirani u učionici, tj. u prostorijama Fakulteta, uz poštovanje propisanih epidemioloških mjera (dezinfekcija prostorija, fizička distanca, nošenje maske i dr.). U slučaju pogoršanja epidemiološke situacije, ispiti se mogu realizirati online.

7. Odbrane završnih radova

Odbrane magistarskih radova, te projekata, radnih i završnih verzija doktorskih disertacija bit će organizirane u prostorijama Fakulteta, uz poštovanje propisanih epidemioloških mjera. Na odbranama mogu prisustvovati kandidat, članovi komisije i zapisničar. Omogućit će se online prijenos odbrana putem video-linka.

8. Biblioteka

Studenti će imati mogućnost da putem e-maila (biblioteka@fin.unsa.ba) svaki dan izvrše rezervaciju potrebne bibliotečke građe/literature iz biblioteke Fakulteta. Pozajmica i vraćanje literature vršit će se u prostorijama Fakulteta. Studenti su obavezni prilikom preuzimanja i vraćanja literature nositi zaštitnu opremu (masku i rukavice).

9. Boravak studenata u prostorijama Fakulteta

U toku boravka studenata u prostorijama Fakulteta, neće se dozvoliti sjedenje u malom atriju, zadržavanje u holovima oko malog atrija, kao ni bilo kakvo grupisanje i nepotrebno zadržavanje u velikom atriju kojim se narušavaju epidemiološki propisi. Zadužuju se operater, portiri i higijeničarke da prate poštovanje ovih mjera.

10. Tehnička podrška online nastavi

U slučaju kada se suoče sa tehničkim problemima na e-platforni, akademsko osoblje, spoljni saradnici i studenti Fakulteta obraćaju se neposredno administratoru e-platfornice, koji je dužan da pravovremeno reaguje u pravcu otklanjanja uočenog problema.

Dekanat Fakulteta osigurat će do početka nastave u akademskoj 2020/21. godini da svi članovi akademskog osoblja Fakulteta imaju tehničke preduvjete za izvođenje online nastave.

Pomenuta Odluka će u slučaju izmijenjene epidemiološke situacije, smjernica i uputstava prilagođavati istim.

Sekretar:
Emina Muderizović

Dekan:
Prof. dr. Zuhdija Hasanović